

PAMFLET

281

Eendrachtighe Verree-

ninghe vande generale Staten vande Neder-
landen / vergaderet wesende tot Brusselle / daer van die Originale is ghes-
terreckent by de Ordelaten / Edelen / Steden / ende oock bewillicht / ende
gheconfirmereert by mijnen heeren vande Raedt vande Staten / by syne
Majesteijt ghestelt tot de generale regeringhe vande voorsz-
schreuen Nederlanden / den 9. Januarij / Anno 1577.

Daer van die Originale is in bewaernisse
vande Staten van Gra-
bant.



Anno Domini M. D. LXXXIII.

23

281

25

Handwritten text at the top of the page, likely a title or header, written in a cursive script.

Handwritten text block in the upper middle section of the page, consisting of several lines of cursive script.



Handwritten text at the bottom of the page, likely a signature or footer, written in a cursive script.

Leendzachtighe Veree-

ninghe bande generale Staten bande
Nederlanden / vergadert wesende tot
Brusselle/daer van die Originale is gheteekent by de Prelaten/
Edelen/Steden/ ende oock bewillicht / ende gheconfirmereet by
mijnen Heeren vande Raedt vande Staten / by syne Maesteyt
ghestelt tot de generale regeringhe vande voorszeghenen Ne-
derlanden / daer van die Originale is in bewaernisse vande Sta-
ten van Zabandt.



Wij ondergheteekende Prelaten/uy-
den vande Kercke/ Heeren/ Edelluyden / Magistraeten
van Wetten/Steden/Casseluyden/ ende anderen/wesende
ende representerende die Staten van die Nederlanden/
teghenwoordelich vergadert zijnde in dese Stadt van
Brusselle / ende anderen wesende inde onderdanicheyde
vande hooghste vermoghenste ende doozluchtichste Prince / Coninck
Philips onse souueraine Heere ende natuerliche Prince / &c. doen te
weten / allen teghenwoordighen ende den ghenen die noch sullen mo-
ghen komen / dat wy / siende onse ghemeene Vaderlandt te wesen be-
krenckt ende ghequelt door eene Barbarische ende meer dan Tyrani-
nische verdrukkinghen vande Spanglaerden. Ende wesende be-
weecht/ ende ghedronghen om ons te vereenighen / ende by malcan-
der te voeghen / ende met wapenen/ Raedt / volck/ ende ghelt/ malcan-
der by te staen tegen die voorszeghende Spanglaerden / ende haer an-
hangh/ die welck verclaert zijn rebellen van sijne Maesteyt / ende onse
vyanden / ende dat dese vereeninghe/ende tsamenvoeginghe daer na is
gheconfirmereet geweest/deur die leste pacificatie/ende vriedemackinghe
ende dit alles deur autoriteyt / ende bewilliginghe vanden Raedt van
Staten / by syne Maesteyt ghestelt tot het Generale Gouvernement
vande Nederlanden.

Ende alsoo dan die meeninghe/ende het eynde van dese vereeninghe
eysscht alle ghetrouwscheyt / standtassicheyt / ende een ewighe re-
prooche verzeekinghe aen allen zijden/ ende dat wy deur eenich on-
verstande

verstandt gheen archwaen op ons willen laden / ende veel weyninge
dat eenighe quade wille onder ons zoude wesen / maer dat wy ter con-
trarie willen / dat alle tgene dat tot dese vereeninghe dienlich is be-
neersticht / inde gheerecutiert mach worden / met alle onghewalstheyt
ghetrouwicheyt/ende neersticheyt/alsoo dat gheene onderdanen/ ofte
inwoonderen vande Nederlanden eenighe redelücke oorsake moghen
hebben/ van eenighe mishagen/ ofte aen ons te twiiffelen. Om welke
oorsaeken ende insonderheyt op dat daer niet onghetrouwelick / ende
tot achterdeel van onse gemeene Vaderlandt/ ende van onse rechtuerdi-
ghe beschermenisse ghedaen worde/ dat oock deur versuyen / ofte vogh-
luyckinghe niet een worde achterghelaten van tgene dat tot dese recht-
uerdighe beschermenisse/ behoort gedaen te wesen. So hebben wy wt
cracht van onse macht ende Commissie respectiuelick / ende andersins
beloost ende belouen mit desen/ voor ons / ende onsen naecomelingen
in Christelücke ghelooue/ als luyden van eeren ende waerachtige lands-
luyden die voorszeyden vereeninghe ende tsamenvoeginge onuer-
breklick ende eewichlick te houden / ende onderhouden / sonder dat
hem yemant van ons sal moghen affscheyden/ ofte sich afsonderen deure
eenighe gheneynstheyt heymelich verstandt / ofte eenighe andere ma-
nieren/ende dit alles tot onderhoudinghe van onse weylige gelooue en-
de die Catholycke Apostolycke ende Roomsche Religie/ tot volvoeringe
vande pacificatie ende vredehandelinghe / ende om die Spanjaerden/
met haren anhanghers wt de Nederlanden te verdriven/ om die onder-
danicheyt die wy sijne Majesteijt schuldich sijn die ruste ende vrede van
onse Vaderlandt/ende tot beuestinghe ende onderhoudinghe / van alle
en een yegelick van onse Priuelegien/ Gherechticheyden/ Vrijheyden/
Statuten/ Costuymen/ ende oude gewoonten.

Daer toe wy te weeghe brengen willen alle middelen die ons moge-
lijck sullen zyn/ met ghelt/ volck/ raedt/ ende onse goet/ sate oock met on-
se leuen/ in dien de noodt voordert. Ende dat niemant van ons sal mo-
ghen gheuen eenighe raedt / aduys oft consent / noch oock houden ee-
nighe secrete oft heymeliche particuliere communicatie / ofte tsamen-
sprekinghe metten ghenen die van dese vereeninghe niet en zyn/ noch ter
contrarie henluyden eenichsins te openbaren / oft ontdecken tghene dat
in onse vergaderinghe ghehandelt/ gheaduiseert oft ghesloten sal zyn.
Maer sal hem in alles ghelijck maken / in tghene dat onse generale ende
ghes

ghemeene resolutie ende besuytinghe mede brengen sal. Ende indien
cenighe Provincie/ Staet/ Landt/ Stadt/ Gasteel ofc burg moge vele-
ghert/ bespronghen / aenghevochten / bekrencht ofc verdrucht / oft in
dien oock yemant van ons luyden / oft anderen verkopt ofc verdrucht
werde / voor tWaderlandt / ende die ghemeene beschermnisse desselvs
teghen de Spantaerden. Of in cenighe saecken daer aen cleuende / oft soo
wel int generael als int particulier werde gheachterhaelt / ghevanghen/
gherantsoncert / vercozt / ghemoestert / ofc ghequelt in synen Per-
soone/ goederen/ Eere/ Staet/ oft andersins. Soo belouen wy desclue
te helpen ende assisteren met alle voorgheschreuen middelen / ende oock
te verschaffen dat sy van der ghevanghenisse sullen ontslaghen worden/
het sy met sonse/ ghewelt / oft anders op pene van ghedegradeert ofc be-
rooft te wesen van zyn Adeldom/ ende van Name van syne ascoemste en-
de Wapenen/ Eere ende Staet / ende ghehouden te wesen als meynne-
dighers onghetrouwen ende vyanden van onse Waderlandt/ voor God
ende allen Menschen/ ende voor een onerlick schandelick bloode ghe-
moet ten ewighen daghen gheacht te wesen. Ende tot meerder verse-
keringhe van dese onse herlighe vereeninghe ende verbondt / Soo heb-
ben wy desen gheteekent met onse handen/ ende hantteekens / den ne-
ghenden dach Januarij / int Jaer 1577.

Hier onder zyn die Signaturen ende onderteekeninghen int parti-
culier ende daer onder dese Confirmatie/ ende bewillighinghe vanden
Raedt van Staten gheschreuen.

Die Ghedeputeerden vande generale Staten / die desen gheonder-
teekent hebben / Versocht hebbende die vande Raedt van Staten / by
syne Maesteyt ghecommitteert tot het generael Gouvernemen / ende
regieringhe vande Landen van herwaerts ouer / omme te willen beue-
stighen ende bewillighen die voorgheschreuen vereeninghe ende ver-
bondt/ hebben desclue vande Raedt van Staten/ inghesen hebbende het
voorgheschreuen versoeck / ende die redenen hier bouen verhaelt / voor
soo vele in henluden is / dat voorghescreuen vereeninghe ende verbondt/
naer syne forme ende inhoud en bewillicht ende beuesicht. soo sy desclue
oock bewillighen ende beuestighen by desen.

Ghedoen tot Brusselle op het Sadithuys inde vergaderinghe van
de

de voornoemde Staten / den negghenden dach van Ianuario / vñ schie-
hondert ende seuen en tseuentich (ende stondt onderghescreuen.

Door oordinantie van mijnen voornoemden Heeren
vanden Raedt van Staten,

Ende wat leegher was gheteekent

Werty.

Ende noch leegher stondt/

Ghecollationeert teghens zijn Originael/

By my Cornelius Abilleman.



